

CÁTEDRA INSTITUCIONAL DA USC EN NEURORRADIOLOXÍA INTERVENCIONISTA

I PREMIO DE INVESTIGACIÓN FERNANDO VIÑUELA SOBRE NEURORRADIOLOXIA INTERVENCIONISTA

Co obxectivo de fomentar o coñecemento da Neurorradioloxía Intervencionista, así como a promoción e difusión dos valores asociados a ela nas súas diferentes facianas, cumprindo deste xeito cos fins para os que foi creada, a Cátedra de Neurorradioloxía Intervencionista da USC convoca o **I Premio de Investigación Fernando Viñuela sobre Neurorradioloxía Intervencionista** coas seguintes

BASES

1.- DESTINATARIOS/AS

Poderán presentarse a estes premios todos/as os/as investigadores/as de nacionalidade española que teñan publicado durante o derradeiro ano 2020 un traballo de investigación ou defendido unha tese de doutoramento, que tivera como tema de estudo de calquera aspecto do neurointervencionismo.

2.- PREMIO

Outorgarase un único premio en metálico de 2000€ que irá acompañado dun diploma acreditativo.

No caso de que houbera máis de un traballo premiado, o importe do premio repartiríase en partes iguais.

Os traballos poderán presentarse en calquera idioma, pero de vir noutro diferente ás linguas oficiais da USC, deberán estar acompañados dun resumo de 1500 palabras en castelán ou inglés.

No caso de que o xurado considere que ningún dos traballos presentados acada un nivel axeitado, poderíase declarar o premio deserto.

O pagamento realizarase por transferencia bancaria a través da partida orzamentaria da Cátedra 5055-4339-22900, aplicándose ao importe do premio as retencións legais correspondentes.

3.- SOLICITUDES

As persoas interesadas en participar no presente premio deberán presentar a súa solicitude a través do rexistro electrónico da USC <https://sede.usc.es/sede/publica/registroEntrada/solicitudes/listaxe.htm>, a seguinte documentación:

1. Impreso electrónico xeral de solicitude (para o caso de presentación de xeito presencial, segundo o modelo que se recolle como anexo a esta convocatoria).
2. Copia do Documento Nacional de Identidade (salvo estudantes, profesores e investigadores da USC).
3. Copia do traballo publicado ou da tese de doutoramento. En caso de pesar máis de 4Mb deberá presentarse a través do correo electrónico da Cátedra catedra.neuroradiologaintervencionista@usc.es
4. Certificación académica coa cualificación, no caso da tese de doutoramento, agás que fóra defendida na USC.
5. Un resumo do traballo de máximo 1500 palabras en castelán ou inglés.
6. Declaración responsable indicando que o traballo ou tese de doutoramento no obtivo ningún premio anteriormente.
7. Autorización escrita para someter o traballo a programas antiplaxio. Para esta comprobación deberán tamén enviar o traballo por correo electrónico en formato PDF á dirección da cátedra: catedra.neuroradiologaintervencionista@usc.es

As persoas interesadas que non pertencen á USC, deberán utilizar os medios de presentación descritos anteriormente. Ademais, poderán presentar a solicitude e documentación correspondente de forma presencial na oficina de asistencia en materia de rexistros do Campus de Santiago de Compostela (sito no Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (sito no edificio da Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

No sobre que se achegue deberá figurar no anverso deste o seguinte:

I Premio de Investigación Fernando Viñuela sobre Neuroloxía Intervencionista
Cátedra de Neuroloxía Intervencionista
Facultade de Medicina e Odontoloxía
Rúa de San Francisco s/n
15782, Santiago de Compostela

Nos días seguintes ao remate do prazo de presentación de solicitudes publicarase unha lista provisoria de solicitantes no taboleiro electrónico da USC.

Os/as aspirantes excluídos/as, disporán dun prazo de cinco (5) días hábiles, contados a partir do día seguinte ao da publicación desta convocatoria, para poder emendar os defectos que motivaron a exclusión.

Unha vez publicada a resolución do xurado de selección, os/as concursantes poderán recuperar a documentación presentada durante os seguintes tres meses. Transcorridos tres meses sen que fóra solicitada será destruída.

No caso das teses de doutoramento premiadas, sempre que non estean xa publicadas, a Dirección da Cátedra resérvase o dereito de publicación, previa autorización do autor.

4. – PRAZO DE PRESENTACIÓN DE SOLICITUDES

O prazo de presentación de solicitudes abrirase ó día seguinte da publicación da presente convocatoria no taboleiro electrónico da USC e pecharase sesenta días naturais despois.

5.- XURADO DE SELECCIÓN

O xurado do presente premio estará formado polo director da Cátedra, co-director da Cátedra e polo presidente do Comité Asesor. De estimarse necesario, poderá contarse con dous asesores designados polo Director da Cátedra en función da lingua na que se presenten os textos.

➤ Criterios de valoración:

- A orixinalidade do traballo (25%)
- As novidades das súas aportacións ao coñecemento dos temas estudados (25%)
- A actualidade e calidade da súa metodoloxía (25%)
- As calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%)
- O impacto científico da publicación (10%)

O fallo do xurado farase público no taboleiro electrónico da USC, así como por outros medios que se estimen oportunos.

A entrega do I Premio de Investigación Fernando Viñuela sobre Neurointervencionismo farase polos responsables da Cátedra en acto público.

O xurado poderá realizar unha análise automatizada de control da vulneración de dereitos da propiedade intelectual. A partir desa análise, se o xurado observa que se vulneraron os citados dereitos desestimarán o traballo presentado sen prexuízo da responsabilidade en que se poda incurrir.

Todos os actos derivados da presente convocatoria publicaranse no taboleiro electrónico da USC e na páxina web da Cátedra.

A participación no concurso implica necesariamente a aceptación do que se expón nestas bases.

Contra a presente resolución, que esgota a vía administrativa, poderá interpoñer recurso contencioso-administrativo perante o xulgado do contencioso-administrativo de Santiago de Compostela no prazo de dous meses a contar desde o día seguinte á súa recepción, de conformidade cos artigos 46 e 8.2.a) da Lei da Xurisdición Contencioso Administrativa, aprobada por Lei 29/1998, do 13 de xullo.

Non obstante, os/as interesados/as poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaía resolución expresa ou presunta do recurso administrativo anteriormente indicado, ó abeiro dos artigos 123 e 124 da lei 39/2015, de 1 de outubro, de Procedemento Administrativo Común das Administracións Públicas.

Santiago de Compostela, de marzo de 2021.

O Reitor,
(por delegación de competencias, RR. do 30/04/2020, DOG de 11/05/2020, o vicerreitor de Planificación, Tecnoloxías e Sustentabilidade e Proxección Estratéxica)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: GUIMERSINDO FEIJOO COSTA, VICERREITOR DE PLANIFICACION TECNOLOXIAS E SUSTENTABILIDADE, UNIVERSIDAD DE SANTIAGO DE COMPOSTELA, 15/03/2021 21:05:14.

CSV: F5FE-DEC9-4C54-9A15



**I PREMIO DE INVESTIGACIÓN FERNANDO VIÑUELA SOBRE
NEURORRADIOLOXIA INTERVENCIONISTA
2021**

MODELO DE SOLICITUDE

DATOS PERSOAIS

Nome:	Apelidos:	
D.N.I./C.I.F./Pasaporte, nº:	Correo electrónico:	Teléfono:
Alumno/a de (no seu caso):		

MEDIO E LUGAR DE NOTIFICACIÓN(*)

- Mediante comparecencia en Sede Electrónica.
 Correo postal:

Dirección:			
Localidade:	Provincia:	Código postal:	País:

EXPÓN QUE:

Acompáñanse os seguintes documentos:

SOLICITA:

_____, a _____ de _____ de _____
(Sinatura)

Sr./a. director/a da cátedra do Camiño de Santiago e das Peregrinacións
Facultade de Xeografía e Historia

De conformidade coa Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e co Regulamento UE 2016/679, os datos serán incorporados no tratamento denominado "Rexistro de documentos", cuxa finalidade é ter constancia dos asentos de entrada e saída de documentos dos rexistros xerais e auxiliares ou Oficinas de asistencia da Universidade de Santiago de Compostela.

O responsable do devandito tratamento é a Secretaría Xeral da USC, cuxos datos de contacto son Praza do Obradoiro, s/n, 15782- Santiago de Compostela, mail: sec.xeral@usc.es, teléfono 881811009.

O Delegado de Protección de Datos é José Julio Fernández Rodríguez, dpd@usc.es

A base de xustificación deste tratamento é a realización de funcións públicas administrativas correspondentes á prestación do servizo de educación superior (Lei Orgánica de Universidades e na Lei autonómica 6/2013, do Sistema Universitario de Galicia).

Poderanse ceder datos a administracións públicas con competencias na materia, e nos supostos de obrigacións legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través de Sede Electrónica en <https://sede.usc.es/sede/publica/catalogo/procedemento/55/ver.htm>.

Tamén poden dirixirse á Axencia Española de Protección de Datos para realizar a reclamación que consideren oportuna.

Os datos serán conservados durante o período no que se realice a finalidade para a que foron recollidos, ou o tempo necesario para cumprir coas obrigacións legais. Cumprida a finalidade, os datos que non formen parte da prestación do servizo público bloquearanse ata que transcorran os prazos de prescrición aplicables.

A política de privacidade e protección de datos da USC pódese consultar en <http://www.usc.es/gl/normativa/protecciondatos/Politica-privacidade.html>